

نظام الثلث الأخير بالثانية " قيام الليل " | #محاضرة | د. حازم

شومان

حازم شومان

السلام عليكم ورحمة الله وبركاته. السلام عليكم ورحمة الله وبركاته ما شاء الله لا قوة الا بالله شكلكم مركزين من الاول ربنا يستر بقى ونكملها تركيز كده للاخر بازن الله سبحانه وتعالى لان - [00:00:00](#)

في موضوع الليلة مهم جدا يا جماعة. موضوع الليلة حياء وموت. موضوع الليلة حياة او موت. ده الصحابة والسلف خدوا موضوع الليلة كده. النبي عليه الصلاة والسلام خد موضوع الليلة قتال. هنشوف الوقتي. يعني الواحد متعجب القتال اللي النبي عليه الصلاة والسلام - [00:00:25](#)

سلام. كان يقاتله في الجهد عشان العبادة بتاعة الليلة اللي احنا هنتكلم عنها بازن الله سبحانه وتعالى. الحمد لله وكفى وصلاة سلاما على عباده الذين اصطفى. اللهم لك الحمد كله ولك الملك كله. وببيدك الخير كله. واليك يرجع الامر كله. لبيك يا ربنا - [00:00:45](#)
وسعديك والخير كل الخير في يديك. والشر ليس اليك انا بك واليك. تباركت وتعاليت استغفرك واتوب اليك. اللهم فصل على الحبيب محمد وعلى ازواجه امهات المؤمنين وعلى ذريته وال بيته انك حميد مجيد. اما بعد مش قادر والله يا اخواني ابدأ هذا الدرس - [00:01:05](#)

من غير ما اقول لكم اني احبكم في الله. يعني انا لو ما بصتش كده ممكن ابدأ واتكلم. انما ببص كده فحسيت ان انا يعني مش قادر ما اقول لكم - [00:01:25](#)

اني احبكم في الله. اني احبكم في الله ايوة كده احبك الله يعني عايزين ايه ؟ يعني المشاعر كده تتفجر كده. ماشي يا اخواني في الله مقبولة منكم. يلا يا عم معلش. ما فيش مشكلة ان شاء الله بازن - [00:01:35](#)

بكرة الايمان يزيد والحب في الله يتفجر من القلب واكثر واكثر بازن الله سبحانه وتعالى ويزيد بازن الله. عايزين نتكلم عن ايه يا اخواني تخيل لو تخيل لو يعني حصل اوائل السانوية العامة طلعت النتيجة ربنا يوفق كل طلبة السانوية العامة يا رب اللهم امين. يعني على طاعته وابتغاء - [00:01:55](#)

تخيل لو طلعت النتيجة والعشرة الاوائل رئيس الجمهورية عايز يكرمهم. رئيس الجمهورية هيسيب مسؤولياته وينزل كرمهم لأ هيبعت لهم وزير التعليم. طب تخيل لو فيه ناس من المثقفين في البلد مطلوب انهم يتكرموا. رئيس الجمهورية هيسيب - [00:02:15](#)
مسئوليته وينزل يكرمهم لأ هيبعت لهم وزير السقافة. او وزير الاعلام. انما حد خد جايزة نوبل يا جماعة. ورفع شرف مصر على مستوى العالم كله. جايزة الدولة التقديرية الاكبر علماء في البلد. تخيل كده رئيس الجمهورية لازم ينزل يكرم دول بنفسه ليه - [00:02:35](#)

لان دول اللي رفعوا شرف البلد قدام الدنيا كلها. اهو ده قيام الليل يا جماعة. قيام الليل ربنا ما نزلكش ملك من الملائكة فيه ربنا ما نزلكش ولا ملايكة المأ الأعلى. ربنا هو اللي تنزل بنفسه لهذه العبادة. متخيل معي - [00:02:55](#)

المعنى المهول ده هو يا جماعة. المعنى الرهيب اللي لو قلوبنا استشعرته هنعرف يعني ايه قيام الليل. هنعرف قدر القوام عند الله هتعرف قيمة كل سانية في قيام الليل. لو قمت قبل الفجر بسانية اسجد لربنا شكر. مش لو قمت قبل الفجر بدقيقة - [00:03:15](#)
او بنص ساعة او بساعة لو بسانية. اسجد لربنا شكر. اللي قاله دقائق الليل غالبية. لا والله سواني الليل غالبية بالثانية عارفين نظام

فودافون بالثانية؟ النهاردة نظام التلت الاخير بالثانية. السانية هتفرق يا جماعة بازن الله سبحانه وتعالى - [00:03:35](#)

في تغيير مسار حياتنا ربنا في العبادة دي بالزات لانزل لك ملك مقرب ولا انزل لك اي حد ربنا هو اللي تنزل بنفسه سبحانه وتعالى.

تخيل العبادة اللي ربنا تنزل لاهلها بنفسه. تخيل العبادة اللي الملك سبحانه وتعالى - [00:03:55](#)

تنزل لاصحابها بنفسه. يبقى العبادة دي لها قدر عند ربنا شكله ايه. يبقى العبادة دي لها قيمة عند ربنا شكلها ايه؟ يبقى العبادة دي اهلها

عند ربنا سبحانه وتعالى مقامهم قد ايه؟ تخيلوا لو ملك من الملوك يعني نازل مسلا المنصورة فخمسة ستة منا بس - [00:04:15](#)

اللي كانوا في استقباله وباقي البلد ما كانوا في استقباله. نزل بعد شهرين لقي نفس الخمسة ستة. هم اللي في استقبال وباقي البلد

مش في استقباله نزل بعد سنة نفس الخمسة ستة الملك ده لما يبجي يعين محافظ للمنصورة هيعينه من مين؟ من الخمسة ستة. لما

يبجي يعين مستشار ليه من - [00:04:35](#)

المنصورة هي عينه من مين؟ من الخمسة ستة. يا اخوانا قيام الليل ده سبب للاصطفاء يا اخوانا. يا جماعة هو ليه اتنين ملتزمين

دخلوا الالتزام مع بعض واحد بقى داعي الى الله وواحد بقى نايم في مكانه عشان العبادة اللي زي ده هي عشان دي لما ربنا بيصطفها

- [00:04:55](#)

هيصطفي من مين؟ من اللي بيقوم لتنزل الملك في التلت الاخير. لما ربنا يختار هيختار مين؟ لما ربنا يستعمل هيستعمل في غير اللي

قام بين ايدين ربنا في التلت الاخير حينما تنزل الملك قبل ما ندخل في موضوع الليلة يا اخواني لازم الاول - [00:05:15](#)

نعرف حقائق عن قيام الليل. لازم نعرف ان قيام الليل اتفرض قبل ما تتفرض الصلاة. لازم نعرف ان قيام الليل اتفرض قبل ما تتفرض

الزكاة. لازم نعرف ان قيام الليل اتفرض قبل ما يتفرض الصيام. لازم نعرف ان قيام الليل اتفرض. قبل ما يفرض الحج الفريضة -

[00:05:35](#)

السيدة الاولى في الاسلام. اول فريضة فرضت على النبي صلى الله عليه وسلم واصحابه. لما النبي كان معه خمستاشر عشرين واحد

قاعدين مع بعض في دار ارقى هم اللي خرج منهم خلفاء العالم. هم اللي خرج منهم الرجالة اللي قادت حركة التغيير وحركة نشر

الاسلام في العالم - [00:05:55](#)

يبقى اذا النهاردة انا جاي اكلكم عن وليمة سمينة اوي. اوعوا تضيعوها. النهاردة انا جاي اكلكم عن صفقة رابحة اوي اوعوا

تضيعوها. انا جاي اكلكم النهاردة يا جماعة بازن الله سبحانه وتعالى عن قيام الليل. انا عايزك انت تسخن مع نفسك بقى. انا عايزك

انت تركزي مع نفسك يعني ايه - [00:06:15](#)

يعني انا انا عايزك انت تتفاعل مع كل اية هتسمعها. مع كل حديث للنبي عليه الصلاة والسلام هتسمعه. انا متعجب والله يا اخوان

متعجب النبي عليه الصلاة والسلام كان بيقسم الثغور ما بين اصحابه. دول هيمسكوا السرايا. دول هيمسكوا جمع الزكاة. دول -

[00:06:35](#)

اغر ايقاظ الناس لقيام الليل. الرسول ما سابوش لحد. الرسول هو اللي مسكه. ازاى؟ هنعرف الوقتي بازن الله سبحانه الا ولكن انا

عايز اقول لكم في البداية وداعا رجب وداعا رجب الواحد بيقولها يا جماعة وقلبه ممكن يتقطع فيها. يا خسارة - [00:06:55](#)

اه يا خسارة على شهر رجب. النهاردة خمسة اربعة وعشرين رجب تقريبا. اربعة وعشرين رجب. وداعا رجب. يا جماعة ما عدش فيه

غير ست ايام بس. الايام اللي الحكاية ديت انتم عارفين انا حاسس فيها باحساس ايه بالزبط. الجمعة الجاية شعبان ان شاء الله. يعني

الجمعة الجاية هنتكلم عن شعبان بازن الله يبقى واحد شعبان. عارفين انا - [00:07:15](#)

حاسس باحساس ايه؟ احساس اب ابنه بيسافر طول السنة برة وبيجي لابوه شهر واحد في السنة بس. فابوه مستني ان ابنه تيجي

ومشتاق ان ابنه ييجي ولكن وهو ابنه جاي فرحة ابوه ان ابنه جاي ممتزجة مع - [00:07:35](#)

خوف ابوه من اللحزة اللي ابنه هيقول له مع السلامة فيها. من هنا ورايح يا جماعة رجب جه رجب راح. شعبان جه شعبان راح ليلة

ليلة النص راحت. رمضان جه. رمضان راح. العشر الاواخر جم. العشر الاوائل راحوا. ليلة القدر جت ليلة القدر راحت. للاسف -

[00:07:55](#)

على قد فرحة الواحد بالمواسم اللي احنا داخلين عليها. على قد خوف الواحد من اللحزة اللي هيتقال فيها رجب مع السلامة. شعبان باي باي مع السلامة خلاص. رمضان عليه العوض. مستنبيهه السنة الجاية يبجي بقى. يا اخواني في الله رمضان السنة دي هيبقى -
[00:08:15](#)

بتاعه سبع ساعات ونص. سبع ساعات ونص. انت متخيل! ده مش من العشاء للفجر. ده من المغرب للفجر. يعني سبع ساعات ونص انت اتكن فيهم وهتشرب فيهم وهتناق فيهم وهتروح تصلي المغرب والعشاء فيهم وهتصلي التراويح فيهم. هنتهجد امتى يا جماعة؟ هنقوم الليل امتى يا جماعة؟ اللي مش هيتعود -
[00:08:35](#)

على قيام الليل من الان للاسف الشديد صعب ان هو يفتنم رمضان اغتنام حقيقي عشان كده عايزين نبدأ اتكلم بقى نتكلم يا جماعة عن قيام الليل مع بعض. عايزين نبدأ نتكلم الاول قد ايه الصحابة كانوا بياخدوا قيام الليل حياة او موت. يعني ايه -
[00:08:55](#) او موت. يا اخوانا لما عباد ابن بشر وقف يدافع عن الجيش. لما عبد ابن بشر وقف يحرس الجيش المسلم وهو نائم. وجه راجل مشرك ورماه بسهم عباد ابن بشر كان يقوم الليل بسورة الكهف. السهم غرز في جسمه عباد نازع السهم. وكمل قيام الليل. الراجل -
[00:09:15](#)

امسك سهم تاني ورماه على عباد ابن بشر. السهم غرز في جسمه. ممكن كسر له ضلع. ممكن دخل في لحم. ممكن نزف دم. ممكن اقطع له عضلة ممكن عمل له تهتك في اربطة. ممكن كسر له عظمة تانية. انا عايزك تتخيل عباد ابن بشر يفرس السهم تاني ينزعه من
[00:09:35](#) -

تحموا دمه ويكمل قيام الليل. المشرك مسك سهم ثالث. ورمى عباد ابن بشر. عباد ابن بشر شال السهم من جسمه كمل قيام الليل لحد ما خاش انه يموت فايقظ واحد من الصحابة يكمل مكانه. انا عايز اقول لك ايه عايز اقول لك يبقى قيام الليل بالنسبة لهم كان حياء وموت يا جماعة -
[00:09:55](#)

اللي بيضرب بسهام ومصمم انه يكمل العبادة يبقى حياة وموت. ابو مسلم الخولاني لما كان يمسك كرباج في المكان اللي بيقوم الليل فيه. ولما رجليه تورم من طول القيام يمسك رجليه يجلداه بالكرباج ويقول لها قومي -
[00:10:15](#)

سابوا اصحاب محمد ان يسبقونا اليه على الحوض. اه والله لنزاحمهم عليه حتى يعلموا انهم قد خلفوا ورائهم رجالا. يبقى هو اعتبر ان الرجولة هي ايه؟ قيام الليل. يبقى هو اعتبر ان البطولة هي ايه؟ قيام الليل. يبقى هو اعتبر -
[00:10:35](#)

هيوصله للنبي عليه الصلاة والسلام. ويخليه يقف جنب الصحابة على الحوض. هو ايه؟ قيام الليل. كان بيجلد رجليه. كان بيكربر رجليه عشان قيام الليل. عباد ابن بشر اتضرب بالسهم ومصمم يكمل. وابو مسلم الخولاني يكربر رجليه. يقول لها قومي -
[00:10:55](#) فوالله لازحفن بك زحفا حتى يكون الكل منك لا مني. يبقى اذا قيام الليل ده يا جماعة بالنسبة للصحابة والسلف كان قضية حياة او

موت. ابو مسلم الدوراني بيقول لك انه كان بيمكث في الاية الواحدة اربع ليالي او خمس ليالي. ثابت البناني -
[00:11:15](#) يقول لك جاهدت وكابدت قيام الليل سنة وتلذذت به عشرين سنة. في رواية كابدت قيام الليل عشرين سنة وتلذذت به عشرين سنة. ايه العبادة؟ اللي ممكن عالم من العلماء يسخر عشرين سنة من عمره عشان -
[00:11:35](#)

يجاهد فيها. ايه العبادة اللي ممكن عالم من علماء الامة يسخر عشرين سنة من حياته عشرين سنة من عمره عشان العبادة دي بس. يبقى العبادة دي ايه؟ يبقى العبادة دي لو جت كل الفتوحات هتيجي بعدها قد ايه؟ يبقى العبادة دي لو -
[00:11:55](#) وانت نجحت فيها هتبقى نجحت في كل حاجة بعدها قد ايه. هنتكلم يا اخوانا عن ازاى النبي عليه الصلاة والسلام كان بياخذ قيام الليل قتالا يا جماعة قتال عليه الصلاة والسلام. النبي عليه الصلاة والسلام من اعجب ما قرأت في الاحاديث الصحيحة عن النبي عليه الصلاة والسلام. النبي لما كان تلت الليل -
[00:12:15](#)

تيجي تلت الليل يا اخوانا تلت الليل يعني الواحد ممكن مرة مسلا حاول يصحي اخ له في قيام الليل. حاول يوقظ اخ لي قبل اعتقد ان دي النبي كان بيخرج من بيته لما تلت الليل يبجي. ويصرخ في شوارع المدينة المنورة. ويقول يا -
[00:12:35](#) ايها الناس اذكروا الله اذكروا الله جاءت الراجفة تتبعها الرادفة جاء الموت بما فيه. جاء الموت بما فيه. متخيل! النبي عليه الصلاة

والسلام واقف يصحي لقيام الليل بنفسه ينزل يفوت على علي وفاطمة يخبط على الباب. يخبط على الباب! يعني الواحد مستغرب يا جماعة! يعني - [00:12:55](#)

هو ممكن حد يخبط على حد قبل الفجر بساعتين عشان يصحيه. يخبط على الباب. يقول لهم الا تصليان! انتم ازاى نايمين! ينادي ايقظوا صواحب الحجرات. صحوا امهات المؤمنين. ماذا انزل الليلة من الخزائن؟ وماذا انزل الليلة من الفتن؟ صحوا امهات المؤمنين - [00:13:25](#)

صلوا قيام ليل. صحوا علي وفاطمة يصلوا كم ليل؟ ينزل يدور في شوارع المدينة في جوف الليل. ويبيجي ثاني يوم يقول له يا ابا موسى ابو موسى الاشعري لو رأيتني وانا استمع اليك البارحة. اه يا ابو موسى لو رأيتني وانا امبارح - [00:13:45](#)
دموعي نازلة من عيناى. وانا امبارح التأسر متملك منى وانا باسمع القرآن منك في قيام الليل. ويقول لابو بكر يا ابا بكر مررت عليك البارحة فوجدتك تخفض صوتك في قيام الليل. يا عمر مررت عليك البارحة فوجدتك طرفا - [00:14:05](#)
ارفع صوتك في قيام الليل. النبي عليه الصلاة والسلام عارفين يا جماعة مباحس امن الدعوة؟ النبي عليه الصلاة والسلام كان بيلف في طرقات المدينة يشوف مين اللي بيصلي ومين اللي ما بيصليش مين اللي بيصليش مين اللي بيصليش مين اللي ما بيصليش مين اللي ما بيصليش مين اللي ما بيصليش كده الشيخ محمد حسان ولا الشيخ ابن باز رحمه الله - [00:14:25](#)

تلاقيه جاي لك بالليل يحط ودنه كده جنب الشباك بتاعك. ويخبط عليك. ويقول لك اصحى قم الليل. طب تخيل بقى النبي بنفسه اللي كان بيعمل كده. النبي بنفسه عليه الصلاة والسلام. ويجيب عبدالله بن عمرو بن العاص يقول له لا تكن مثل فلان - [00:14:45](#)
كان يقوم الليل فترك قيام الليل. عبدالله بن عمر يشوف رؤيا جهنم يقول لاخته السيدة حفصة ام المؤمنين يقول لها نعم العبد ابا عبدالله لو كان يقوم من الليل كان ممكن يقوم لحد ما رجليه تتفطر. كان ممكن رجليه لحد يقوم لحد ما - [00:15:05](#)
تتشقق. كان ممكن يقوم لحد ما رجليه تورم عليه الصلاة والسلام. كان ممكن يقوم الليل كله باية واحدة عليه الصلاة والسلام. كان ممكن يبكي في قيام الليل لحد ما سدره ولحيته والارض يتبلوا من دموع النبي. الدموع الطاهرة للنبي عليه الصلاة والسلام. انتم متخيلين معي يا جماعة - [00:15:25](#)

النبي وهو بيقول اني لاعرف منازل الاشعريين من صوتهم في قيام الليل بالقرآن. وان لم ارى منازلهم بالنهار النبي نازل يشوف مين من القبائل اللي وفدت على المدينة اللي بيصلي قيام ليل ومين اللي ما بيصليش قيام ليل؟ النبي كان بيراقب - [00:15:45](#)
العبادة دي بنفسه يبقى يقينا النبي يعرف ان اللي هيقوم الليل هو اللي هيبقى راجل. اللي هيقوم الليل هو اللي هيترى. اللي هيقوم الليل هو هيوصل لربنا. عشان كده النبي عليه الصلاة والسلام كان بيراقب ابو بكر وعمر نفسهم في قيام الليل. يبقى النبي يا اخواني في الله كان واخذ قيام الليل - [00:16:05](#)

القتال. النبي كان مريض سليم كان بيقوم الليل. النبي كان في سفر في حضر كان بيقوم الليل. النبي مهما كانت الزروف كان بيقوم الليل. النبي عليه الصلاة والسلام هو اللي علم الصحابة والصحابة هم اللي علموا السلف ان قيام الليل ده قضية حياة او موت. ان اللي ما بيقومش الليل ده محروم يا جماعة - [00:16:25](#)

اللي ما بيقومش الليل ده غلبان يا اخواني. قرأت امبارح حديث اول مرة افكر فيه. ولكن كان هيجنني. يعني انا اول مرة افكر في الدلالة بتاعته. النبي بيقول لك ايه؟ عليه الصلاة والسلام. هو له كذا حديث وكذا ورواية. رواية عقبه بن عامر بيقول لك - [00:16:45](#)
حدثنا رسول الله صلى الله عليه وسلم عن الرجل يقوم الليل يعالج نفسه الى الطهور. يعالج ديت اي حد بيقوم الليل يجربها. انك قايم ياه مش قادر. هل كان طول النهار تعبان - [00:17:05](#)

وبتعالج في نفسك بتقوم نفسك بالعافية. وعليه عقد. الشيطان عامل له سحر. رابط عليه. ومن شر النفاثات في العقد الشيطان عامل له عقد. فاذا وضاً وجهه انحلت عقدة فاذا وضاً يديه انحلت عقدة - [00:17:25](#)
فاذا مسح رأسه انحلت عقدة فاذا وضاً رجليه انحلت عقدة. اسمع فيقول الله ملائكته الذين وراء الحجاب. يا ملائكتي انظروا الى عبدي يعالج نفسه الى الطهور. يسألني ما سألني عبدي فهو له. اللي شدني في الحديث ده يا جماعة - [00:17:45](#)

اللي شدني في الحديس انها تخيلت كده ان انت قايم بالليل تصلي وتعبان وما انتاش عارف ان من فوق سبع سماوات الملائكة كلها واقفة تتفرج عليك. وان ربنا سبحانه وتعالى يجمع الملائكة. انت متخيل ان انت قاعد في اوضة لوحك ومفكر انك لوحك. وانت بتصور بكاميرا - [00:18:15](#)

والكاميرا عارضة صورتك على شاشة كبيرة جدا قدام جمهور كبير جدا. وكلهم قاعدين يتكلموا عنك. انت ما انتاش حاسس بالمنزر ده ؟ انت مش حاسس انك انت قايم بتقاتل عشان تقف على رجلك. وربنا من فوق سبع سماوات. جامع الملائكة وبيقول لهم - [00:18:35](#)

يا ملائكتي انظروا الى عبدي. بصوا كده وتأملوا بيعمل ايه. بصوا هو بيغسل وشه. بيغسل ايديه. حركة حركة من حركات. بصوا هو ايده بيسألني يا ملائكتي ما سألني عبدي فهو لا. حديس ثاني عن النبي عليه الصلاة والسلام ان الله يضحك - [00:18:55](#) ان الله يضحك. يعني انت واقف بتقوم الليل وربنا من فوق سبع سماوات بينظر لك ويضحك. يا ربي الحديس ده يا جماعة ما يخلكش تموت نفسك عشان تقوم الليل. ان قيام الليل ده فيه حوار مهول بيحصل في الملائكة - [00:19:15](#) بسببك انت انت واقف وما انتاش حاسس وممكن تكون في كرب وقاعد تقول يا رب وممكن تكون خايف على قلبك وبتقول يا رب وانت ما انتاش حاسس ان الدنيا مقلوبة. وسط الملائكة بسببك. وان انت عامل عند الملائكة زي النجم في - [00:19:35](#) سما بالنسبة لنا احنا وكلهم قاعدين يتفرجوا عليك. وربنا من فوق سبع سماوات بيضحك لك انت مخصوص. وربنا سبحانه وتعالى بيقول للملائكة ان الله لا يضحك الى رجلين. الاول رجل قام في ليلة باردة عن لحافه ودياره - [00:19:55](#) ساب مراته وساب الفرج وساب. اه فقام في ليلة باردة. ها يصلي بين يدي الله سبحانه وتعالى. فيقول الله اه يا ملائكتي يا ملائكتي ما الذي اقامه؟ معا لحافه ودياره وفراشه. ايه اللي خلاه يسبب اللحاف والدفاع - [00:20:15](#) والفراش ويقوم يصلي فتقول الملائكة يا رب رجاء فيما عندك ورهبة مما عندك. فيقول الله فاني قد اعطيته ما رجا وامنته مما يخاف.

وانت يا عيني ماسك المصحف وقعدت تقرا او قاعد تدعي - [00:20:35](#) او قاعد ساجد وانت مش حاسس وربنا بيكلم الملائكة. والملائكة بتكلم ربنا. والملائكة بتكلم بعض. وكل ده بسببك انت وكل ده عشانك انت. وكل ده على شرفك انت. عرفته ليه؟ ان جبريل قال للنبي عليه الصلاة والسلام - [00:20:55](#) واعلم ان شرف المؤمن قيامه بالليل يا دي الشرف يا جماعة! يا دي الشرف حديسة صحيح عن النبي عليه الصلاة والسلام اما قراءته اشتاق قلبي لكل سجدة في التلت الاخير. ان ربنا اعانك عليها. قال رسول الله صلى الله عليه وسلم - [00:21:15](#) اقرب ما يكون. احنا عارفين اقرب ما يكون العبد من ربه وهو ساجد. لأ. اسمع بقى اقرب ما يكون من عبده في جوف الليل الاخر. عايز تعيش مع تجليات اسم الله القد - [00:21:35](#)

قم الليل. اقرب ما يكون الرب من عبده وهو في جوف الليل الاخر. فان استطعت ان ان تكون ممن يذكر الله في تلك الساعة فكن يعني ايه ؟ يعني اجمع حديس اقرب ما يكون الرب من عبده اسم الله القريب. تجليات اسم الله - [00:21:55](#) القريبة تطلع عليك في قيام الليل. شف قرب ربنا منك هيعمل لك ايه في قيام الليل؟ في جوف الليل الاخر. طب وحديث اقرب ما يكون العبد من ربه وهو ساجد. عشان كده - [00:22:15](#)

سيدي بقى عشان كده يا سيدي بقى سجدة التلت الاخير دي ما لهاش حل ليه ؟ لانك وانت ساجد اقرب ما تكون الى الله. والتلت في الاخير اقرب ما يكون الله اليك سبحانه وتعالى سبحانه وتعالى. ها يعني بلا تكييف ولا تمثيل. فتخيل اقرب لحظة - [00:22:25](#) بينك وبين ربنا في الحياة في سجود التلت الاخير من الليل. عشان كده في سورة السجدة اللي اتكلمت عن اعظم سجدة بيسجدها المؤمن بين ايدين ربنا جابت قيام الليل وربنا سبحانه وتعالى بيكلمك وبيكلمك وبيقول لنا جميعا - [00:22:45](#)

تجافى جنوبهم عن المضاجع يدعون ربهم خوفا وطمعا ومما رزقناهم ينفقون فلا تعلم نفس ما اخفي لهم من قرة اعين جزاء بما كانوا يعملون. سورة السجدة اتكلمت عن قيام الليل اعظم سجدة هتسجدها في حياتك. اطلبي فيها اللي انت عايزاه. اطلب فيها اللي انت عايزه. يا اخواننا سبحان الله العظيم! اما اتكلمنا عن - [00:23:05](#)

استغفار من اسابيع واحد يقول لي رزقت حمل بسبب الاستغفار. وواحد يقول لي الاستغفار طلع بيحب حج. اللهم لك الحمد. طلع بيحب حجة احج السنة دي ان شاء الله لرنا اذن. وواحد الناس سبحان الله العظيم كل شوية اسمع حاجة عن الاستغفار. حاجة عن الاستغفار. وانا نفسي في حياتي مجربة. امال - 00:23:35

يا جماعة استغفار التلت الاخير من الليل ده يبقى شكله ايه ؟ امال يا اخواننا لما نقول سيد الاستغفار وانت ساجد في اقرب سجدة بينك وبين ربنا يبقى شكلها ايه عايزين - 00:23:55

نعيش مع ثمار قيام الليل. قيام الليل ممكن يعمل لنا ايه؟ قيام الليل ممكن يغير في حياتنا ايه؟ قيام الليل. يا اخواننا نفسك ربنا يستجيب دعائك نفسك في دعاء مستجاب؟ يا اخي ما عندك مشاكل؟ يا اخواننا احنا مستغبيين كده ليه؟ يا جماعة ده احنا حياتنا كلها مصايب مش - 00:24:09

ده احنا حياتنا كلها مشاكل مادية ومشاكل اجتماعية ومشاكل دينية ومشاكل ايمانية تاكل اخروية ومشاكل. يا اخواننا ده احنا يعني والله يا اخواني انا امبارح وانا نايم كده انا انا قاعد افكر ايه - 00:24:29

الدنيا دي يا ربي هو الدنيا ربنا خلقها كده عشان لما نموت ما نشتاق لهاش مرة الدنيا دي عاملة كده ليه ؟ كرب في كرب. احبابك كلهم مبتلين. انت كل شوية تلاقي الدنيا فيها مشاكل. الدنيا متقلبة. لو ادت لدهن - 00:24:49

النهاردة هتاخذ منه بكرة. ولو عفت ده بكرة هيجي له مرض مهول بعد بكرة. ولو دنيا بشعة يا اخواني. الدنيا ملعونة والعياذ بالله.

فالواحد يعني بيفكر كده حياتنا كلها مشاكل. ننجم للمشاكل دي ازاي يا اخواننا؟ الدعاء يا جماعة - 00:25:09

فكر كده معي لو كان ربنا ما بيتنزلش كل ليلة ويقول هل من سائل فاعطيه؟ هل من مستشف فاشفيه؟ هل من مستدفع اللي تضر

فادفعه عن؟ هل من مستغفر فاغفر له؟ هل من تائب فاتوب عليه؟ تخيل لو كان ربنا ما بيتنزلش كل - 00:25:29

لو ربنا كان بيتنزل كل ثلاث شهور مرة. يعني النبي عليه الصلاة والسلام ما قالش ان الله يتنزل في التلت الاخير من الليل فيقول هل

من سائل لأ النبي قال ان ذلك يحدث كل ثلاثة اشهر مرة. تخيلوا كده الشوارع كانت هتتقفل في قيام الليل - 00:25:49

كل ثلاث شهور قد ايه؟ تخيلوا الليلة اللي كل ثلاث شهور دي الناس ما كانش حد هينام. الناس كانت هتعمل فيها زي ليلة سبعة

وعشرين بالزبط. الناس اعمل فيها زي ليلة سبعة وعشرين بالزبط لما الناس مقفلة الشوارع في قيام الليل. طب يا رب ليه؟ ربنا ما

قالش انه بيتنزل - 00:26:09

كل ثلاث شهور. ليه ربنا قال انه بيتنزل كل ليلة؟ عارف ليه؟ لان لو كان ربنا ما بيتنزلش كل ليلة كانت بقت مصيبة. لانك محتاجه كل

ليلة. هي دي المشكلة يا جماعة. انك تكتشف انت محتاج ربنا قد ايه. انك تكتشف - 00:26:29

انك انت عندك مشاكل في حياتك قد ايه؟ انك انت تفهم ساعتها قيمة دعاء التلت الاخير من الليل شكله ايه انا بتخيل كده لو جم في

كوكب تاني وقالوا لاهل الكوكب التاني ان ربنا قال لاهل الارض انه بيتنزل في التلت الاخير من الليل فيقول هل من سائل -

00:26:49

يا نهار ابيض! انا والله يا اخواني ما انا متخيل انت مصدق ربنا انت مصدق الحديد ده؟ انت عايز تقنعني. انت عايزه تقنعيني ان

انت مصدقة ان الصمد القيوم - 00:27:09

رب العرش العظيم بيتنزل في التلت الاخير من الليل كل ليلة ويقول لك هل من سائلة فاعطيت هل من مستشفية فاشفيها؟ هل من

تائبة فاتوب عليها؟ وما بتقوميش الليل؟ انا بالنسبة لي انا مش مصدق يا اخوانا. انا مش مصدق - 00:27:25

ان في حد مصدق الحديد ده وما بيقومش. اللي مصدق الحديد ده لا يمكن ما يقومش. لان دي فرصة عمرك اصلا. دي فرصة عمرك.

انت كل ليلة عمر بالنسبة لك لو جم لاهل كوكب تاني وقالوا لهم ان ربنا قال لاهل الارض انه بيتنزل في التلت الاخير من الليل ويقول

هل من - 00:27:45

مسائل انفاطية فجه واحد من كوكب التاني يزورنا قبل الفجر بساعة. وهو موقن ان لا يمكن ولا واحد من اهل الارض نايم. ليه؟ مش

ممكن. فجه لقي كل ناس نايمه لقي كل اهل الارض نايمين هيقول علينا ايه؟ يا اخوانا احنا بنزرع بالليل وبنحصد بالنهار. يا اخوانا

اللي ما لوش - 00:28:05

ما لوش نهار. عشان كده ربنا جعل سورة المزمل في ترتيب المصحف قبل ترتيب سورة المدثر. لان المزمل بالليل ويوم المؤمن بالليل قبل المدثر بتاعة النهار. واللي هيقوم الليل ربنا هيفتح عليه بالنهار - 00:28:27

هيفتح له ابواب فضله ورحمته بالنهار. يبقى احنا يعني زمان لما كان حد ينزل القاهرة فيقولوا له انت عندك آآ المصلحة الفلانية في في برمسييس. والمصلحة الفلانية مش عارف فين. والمصلحة الفلانية مسلا روكسي. والمصلحة الفلانية. مصر القديمة. فالناس -

00:28:47

اتبهدلت. فقاموا عاملين مجمع ضخم اسمه مجمع التحرير. قال لك اللي هينزل مصر كل المصالح بتاعته في مجمع التحرير. يبقى جمعوا له قال اهو قيام الليل مجمع التحرير بتاعنا يا اخواننا. كل اللي انت عايزه بين ايديك في مجمع التحرير. يا اخوانا هو اللي نازل الصبح رايح يقضي المصلحة - 00:29:07

بتاعته ومعه تأشيرة وزير زي اللي نازل يقضي المصلحة بتاعته من غير اي حد معه. طب تخيل انت بقى بين ايدين ربنا طلبت منه ونازل بالنهار رايح له. هيبقى التيسير شكله ايه؟ يا اخوانا فيه ناس اتجوزت بقيام الليل. فيه ناس خلفت بقيام الليل. فيه ناس -

00:29:27

شفيت من امراض لفت جمهورية مصر العربية عشانها شفيت منها قبل ان ينفجر الفجر. قبل ان تقع عمود الصبح كان ربنا شفاها منها في قيام الليل. فيه ناس ربنا فرج عليها فرج مبين في قيام الليل - 00:29:47

قيام الليل ده معجزات في اجابة الدعاء. عايز ربنا يستجيب دعائك. شف قيام الليل بتاعك. شف انت محتاج ايه من ربنا؟ كفاية استغناء مستغنيين عن ربنا كده ليه؟ هيحصل فينا ايه اكر من اللي حاصل الوقتي في البلد واللي حاصل في الناس دلوقتى -

00:30:07

هيبجي امراض اشد من اللي موجودة ايه؟ هيبجي مشاكل اشد من اللي موجودة ايه؟ عشان تبدأ تقوم الليل بقى عشان تعرف قيمة اجابة الدعاء بتاع قيام الليل سبحان الله العظيم - 00:30:27

سبحان الله! يعني قيام الليل ده يا جماعة اختيار يا جماعة. لو انت عايز ربنا يختارك. لو عايز ربنا يستفيق قم الليل. ربنا بيقول لك ايه؟ يا ايها المزمل قم الليل الا قليلا. يا ايها المزمل مين المزمل ده؟ محمد بن عبدالله عليه الصلاة والسلام. طب يعني يعني -

00:30:39

اسمعني يا رب اشمعني محمد يا رب؟ اشمعني العبد الفقير المسكين اللي قاعد في غار اتنين متر في ثلاثة متر في ارتفاع جبل ساعة ونص عشان تطلع له بينه وبين مكة بلده اربعة كيلو متر. وقاعد لوحده في الضلعة اشمعني ده يا رب؟ اشمعني المزمل ده يا رب؟ يا ايها المزمل قم الليل - 00:30:59

يا رب ده انت لو كنت نزلت الرسالة دي على كسرى كان نص العالم دخل في الاسلام في اول يوم. لو كنت نزلت الرسالة دي على قيصر كان الاسلام انتشر في العالم - 00:31:19

في اسبوع واحد. لو كنت نزلت الرسالة دي على فيلسوف عالمي او مفكر عالمي كان العالم انبهر بالاسلام في اسبوع واحد. يا رب اشمعني ده يا رب يا جماعة ربنا ما بيختارش اي حد. يا اخوانا ربنا ما بيصطفيش اي حد. يا - 00:31:29

جماعة قيام الليل ده اصطفاء. انتم فكركم ان احنا فينا ناس امبارح قامت الليل وناس امبارح ما قامتش الليل. انت فكرك ان اللي ما قامش الليل ده ما قامش لانه كمان متأخر ولا ما قامش لانه تعبان فما قدرش ولا ما قامش وفكرك - 00:31:49

اللي قام الليل لانه كان عامل حسابه يا ابني ده قام لان ربنا قومه. وده نام لان ربنا ما قوموش. دي قامت لانه ربنا اقامها. انت ساعات تزبط عشر منبهات وما تصحاش. وساعات يعني مرة يعني سبحان الله العظيم. يعني يعني حد - 00:32:09

ربنا ارسل له نملة قعدت ساعتين تقطع في رجليه لحد ما لحق قيام الليل. هو ربنا يا ابني لو اراد انه يوقظك هيقظك لو اراد انه يوقمك هيقومك. لو ارادك لاقامك سبحانه وتعالى. يبقى يا ايها المزمل اعرف بقى ان قيام الليل - 00:32:29

ادي اصطفاء من ربنا. اعرف بقى زي ما قلنا الوقتي كده السبعة تمانية اللي في استقبال ملك البلاد. لما يختارها يختار منهم. يعني ربنا لو اختار من اللي قاعدين قدامي دول - [00:32:49](#)

دعاه بكرة هيختار مين؟ لو ربنا اختار من دول مجاهدين بكرة هيختار مين؟ لو ربنا اختار من دول علماء بكرة هيختار مين؟ لو ربنا من دول يعني لجواره في الفردوس الاعلى هيختار مين؟ اكثر ناس اكثر ناس تقوم لله في جوف الليل - [00:32:59](#)
في جوف الليل مجمع الفتوحات كلها عايز ايه؟ نفسك في ايه؟ يا ايها المزمّل يا ايها المزمّل قم يا ايها المزمّل ده يا اخواننا مش كلمة مدح. يعني ما هيش مدح لحد ان ربنا يقول له المزمّل. المزمّل ده يعني واحد متلفت في يعني واحد ملفوف في بطانية. واحد - [00:33:19](#)

او بيرتجف وملفوف في بطانية. وربنا يقول يا ايها المزمّل. اه عشان قارن اول اية باخر اية بقى. اخر اية اول اية يا ايها المزمّل النبي عليه الصلاة والسلام ملفوف في بطانية. اخر اية ان ربك يعلم انك تقوم ادنى من ثلثي الليل. الله - [00:33:39](#)
الله اكبر الله اكبر. اول اية منزر النبي عليه الصلاة والسلام وهو نايم. واخر اية منزر النبي ورجليه متشققة فيه ورمة زي ساق النخلة من طول القيام بين ايدين ربنا سبحانه وتعالى. شفتم القرآن بيغير قد ايه؟ شفتم الارتباط بالقرآن؟ بيفرق - [00:33:59](#)
مع الانسان قد ايه ده اثر القرآن على النبي عليه الصلاة والسلام. ده اثر كلام الله على رسول الله. الفرق بين اول اية واخر اية اية يديك امل كبير اوي ان احنا ممكن نتغير يا جماعة ان احنا المزمّلين المزمّلين كل ليلة اللي هو احنا ان احنا - [00:34:19](#)
ممكن نتغير ان احنا ممكن نوصل لمستوى ثاني. بس لو سلمنا قلوبنا للقرآن. لو سلمنا نفسنا للقرآن. عشان كده اول اية. يا ايها المزمّل ايها النداء تعظيم. يا اللي ما انتاش عارف قيمتك. يا اللي ما انتاش عارف قدرك. يا اللي ما انتاش عارفة انت لو قمت ربنا هيغير بك في الواقع قد ايه - [00:34:39](#)

اوعى تستقل بقيمتك. اوعى تستقل بالفتح اللي ربنا ممكن يفتحه عليك في دينك. اوعى تستقل بالمقام اللي ربنا ممكن يرفعك له. يا يها المزمّل انت مزمل بس انت لا تدري لو قمت هيحصل في الدنيا ايه. لا تدري لو قمت هتغير في الدنيا ايه. لا تدري - [00:34:59](#)
وقمت مرضى بالسرطان الوقتي في مستشفيات اوروبا وامريكا. لو ماتوا على الكفر هيخلدوا في جهنم. هينقذ مصيرهم بسببك قد ايه. ما انت مش عارفة لو قمت متبرجات. النبي عليه الصلاة والسلام قال عنهم. العنوهن فانهن ملعونات. هيبقوا تقيات - [00:35:19](#)
عاد بسبب امتك قد ايه. يا ايها المزمّل قم قم فعل امر. لانك انت ما انتاش داخل مستشفى امراض نفسية. فيه شباب كتير بيدخل الدين كانه مستشفى امراض نفسية. انت داخل جيش يا ابني! يا اخواننا مين اللي قال لكم ان الدين لعبة؟ يا اخواننا ممكن واحد - [00:35:39](#)

حد يقول لك قيام الليل. قيام الليل ده موضوع كبير. احنا كان ممكن نتكلم عن موضوع ابسط من كده شوية. يا ابني ابدأ صح. يا بنتي ادخلي الدين ده يا اخواننا بلاش ندفع عمرنا تمن للفهم. انا مش متخيل واحد ممكن يبجي وهو بيموت يقول الحمد لله. انا قعدت - [00:35:59](#)

خمس سنين بعيد عن اخواني لحد ما وقعت على رقبتي وعرفت بعد خمس سنين قيمة الاخوة. وقعدت سبع سنين شغال في الدعوة بس لوحدي لحد ما لقيت ما فيش اي ثمرة للشغل الفردي. فعرفت ان قيمة التعاون مع اخواني. وقعدت ست سنين ما باقومش الليل - [00:36:19](#)

لقيت حياتي ما فيهاش اي بركة. لحد ما فهمت قيمة قيام الليل. الحمد لله يا جماعة. انا صحيح ما نفزتش حاجة من الكلام ده. بس انا امتى يا جماعة؟ انا باموت وانا فاهم. يا سلام! يا ابني ما تدفّعش عمرك تمن للفهم، يا ابني صدق ربنا. نفز كلام ربنا من - [00:36:39](#)
اولها يا ايها المزمّل قم الليل يبقى قم الليل. ما تقعدش بقى تزوغ في نمط الالتزام بتاعك. قم الليل الا قليلا. نصفه او انقص منه قليلا. متخيلين يا جماعة؟ النبي عليه الصلاة والسلام معه صفحة قرآن - [00:36:59](#)

ثلاث سطور من سورة اقرأ. وثلاث سطور من المدثر. وثلاث سطور من المزمّل. يعني ما يجوز صفحة قرآن. وربنا بيقول له نصفه او انقص منه قليلا اصلي بايه يا رب؟ بدون ازاي يا رب؟ عش يا بني! يا ابني عش! يا ابني الجزء اللي بيتقري في ساعة في صلاة

التراويح في رمضان! كان بيقتد سنة ينزل - [00:37:19](#)

على الصحابة والصحابة يفضلوا يقوموا الليل به سنة كاملة. عشان كده المعاني غرزت في قلوبهم. عشان كده اتربوا على المعاني في قلوبهم. يبقى القضية مش قضية ان انا قاعد اقرا رارا القضية قضية ايه اللي دخل في قلبي. سبحان الله العظيم. من الحاجات العجيبة

جدا. الحاجات العجيبة جدا ان ربنا وهو بيتكلم - [00:37:39](#)

عن قيام الليل يتكلم عن مشهد غريب جدا من مشاهد الدار الاخرة. يقول لك وربنا بيتكلم عن قيام الليل في الايات اللي احنا بنتكلم

فيها. ربنا يقول لك ان لدينا انكالا وجحيما. الله! ربنا بيتكلم عن قيام الليل يا جماعة. وفي وسط ايات قيام - [00:37:59](#)

الليل وبعد ايات قيام الليل ربنا يقول ان لدينا انكالا وجحيما وطعاما ذا غصة وعذاب ايما يوم ترجف الارض والجبال وكانت الجبال

كثيبا مهيبا. يعني ايه يا جماعة؟ ربنا يقول - [00:38:19](#)

اذا لدينا انكالا النجل ده لجام الحمار يعني يعني والعياذ بالله فيه ناس بتمسخ يوم القيامة بهائم. فيه ناس والعياذ بالله بتمسخ يوم

القيامة بتبقى يا اخوانا يعني اللي ما عاش اللي ربنا تنزل له وهو ما قدرش يقدر ده معناه ايه؟ يعني تخيل انت في بيتك رئيس

الجمهورية ركب ها - [00:38:39](#)

آآ يعني رئيس جمهورية بقى بجد كده ولا حاجة ركب العربية بتاعته ونزل من القصر الجمهوري وجا لك لحد بيتك. وخبط عليك

الساعة ثلاثة بالليل ليه؟ احيانا اعايز اشوف هو محتاج مني حاجة ولا ايه؟ فزوجتك بتقول لك رئيس الجمهورية جا لك. قولي له

تعبان مش قادر. انا شقيان طول اليوم مش قادر - [00:38:59](#)

ممكن ينزل لك تاني؟ لا يمكن. طب تخيل لو نزل لك تاني ليلة. بيخبط الساعة ثلاثة بالليل. مراتك بتقول لك قولي له تعبان. مش قادر.

لا يكلف الله الله نفسا الا وسعها. ده جاي عشان يقول لك انت محتاج ايه. جاي عشان يشوف طلباتك. مش قادر. تعبان. تخيل بقى ان -

[00:39:19](#)

ربنا السنة اللي فاتت دي تنزل لك تلتمية خمسة وستين مرة. ما فيش ولا ليلة ربنا لا يتنزل فيها. وكل ليلة ما بتقومش ارض يتنزل لك

الليلة اللي بعدها. ويظل ينادي عليك سبحانه وتعالى. طب تخيل بقى ان العرض ده ولا عمل فيه حاجة. دول ايه يا جماعة؟ هو ده -

[00:39:39](#)

بني ادم يا اخوانا ان لدينا انكالا ربنا بيقول لك اننا ممكن انكل باللي عرض عني. والنكل ده اللي جاب الحمار يعني او جزء من جاب

الحمار يعني في ناس بتمسخ بهائم في جهنم لانها والعياذ بالله في الدنيا ما كانتش بتعقل اصلا في علاقتها بالله. امبارح واحنا في -

[00:39:59](#)

جولة من الجولات يعني فالشباب كده يعني باقول له يا ابني يا ابني لو انا المغني فلان الفلاني الله كان حصل ايه في المنطقة دي؟

قال لي كان الدنيا اتقلبت. قلت له طب يا ابني انا واحد باكلمك عن ربنا. انا مش المغني فلان اللي جاي يخطفك من طريق ربنا. اللي

جاي بانا - [00:40:19](#)

ربنا المفروض الانسان يفكر في ده تفكير شكله ايه؟ هو ده تعظيم شخص ولا تعظيم الله اللي الشخص ده بيتكلم عنه اللي الشخص

ده جاي يتكلم عن جلاله. ان لدينا انكالا وجحيما. الجحيم النار بس النار ما تتسماش جحيم الا لو فيها - [00:40:39](#)

اربع حاجات. الحاجة الاولانية انها نار عظيمة. شديدة الالتهاب. الحاجة الثانية انها نار عميقة جدا. يعني في حفرة عميقة. الحاجة

الثالثة انها ضيقة جدا. يعني الحفرة ضيقة. الحاجة الرابعة ان النار مسلطة على الاجساد. زي بتاع لحام الاكسجين كده. زي بتاع -

[00:40:59](#)

الحديد اللي بيكوي نقطة معينة في الحديد كده بالنار. نار مسلطة على الاجساد. وجحيما وربنا جابها نكرة للدلالة على التعظيم.

وجحيما وطعاما فغص. تخيل اكل يقف في الزور. لا ينفع يطلع ولا ينفع ينزل. يعني احد اخواني مرة دخل عمل عملية جراحية -

[00:41:19](#)

بياكل حنة لحمة حنة عضمة وقفت في زوره. دخل عمل عملية جراحية. ورحنا نزوره في المستشفى قعد يوصينا قبل ما يدخل. كانه

هيموت ده عشان حطة عظمة يا اخوانا لو بتاكل سمكة وحتة بتاع ووقت في زورك بتنزل المستشفى عشان يشيلوها لك. احنا طعاما
ذا غصة. تخيل دي - [00:41:39](#)

تلاقي في جهنم وعذابا اليما. يا رب هو الطعام اللي زاق غصة مش عذاب. يا رب هو الجحيم مش عذاب. يا رب يا الانكالمش عذاب.
يا اخوانا الملوك بتاعة قائمة التعذيب في جهنم اكبر مما نتخيل. المنو بتاعة اصناف التعذيب لا تتخيل. وعذابا اليما. يوم ترجف -

[00:41:59](#)

الارض والجبال. الارض والجبال بترتجف من الرعب. وهي مش مكلفة. وهي ما وراهاش نار وحنة. وهي مش هتعتدي من على الصراط
وهي مش هتعرض على الله وهي ما لهاش صحيفة تتحط في الميزان. امال اللي وراه كل ده يرتجف قد ايه؟ يوم ترجف - [00:42:19](#)

الارض والجبال وكانت الجبال كتيبا مهيلا. قلت سبحان الله! يعني سورة المزل بعد ما اتكلمت عن القيام اتكلمت عن القيامة كأن
المعنى لو انت مستخسر انك تقف بين ايدين ربنا في جوف الليل انت بتتعب نفسك في وقفة خمسين الف سنة. يعني وفري على

نفسك وقفة - [00:42:39](#)

خمسين الف سنة بوقفة نص ساعة قبل الفجر كل ليلة بين ايدين ربنا. اما القيام واما القيامة اما القيام واما القيامة يا اخوانا قيام
الليل ده صاروخ. عارف يعني ايه؟ عارف يعني واحد وهو بيقوم الليل كده انت ركبت صاروخ تلحق به الصالحين. ركبت صاروخ -

[00:43:09](#)

تنطلق به في ركب الصالحين. طيب اللي نام بقى صاحي انت تاني يوم الصبح بعد ما راح عليك قيام الليل صحيت على اذان الفجر.
واخوك الليل شف هو سبقك في الطريق الى الله بقدايه. شف هو قطع من الطريق الى الله وفي الطريق الى الله وفي الطريق الى

الجنة قد - [00:43:29](#)

وانت ما انتاش دارس وانت نايم وانت صحيت على الفجر وراح منك اخطر ساعة في اليوم بتاعتك كله اخطر ساعة في عبادة وهي
عبادة قيام الليل. يعني ايه يا اخوانا؟ حديس خطير اوي عن النبي عليه الصلاة والسلام. كلمتكم انا من حوالي شهرين عن -

[00:43:49](#)

تحفيظ القرآن وكلمتكم عن حديس اقرأ وارفق ورتل ان كل اية بتحفظها بدرجة في الجنة. ها وسخنا مع بعض يوميهها على ان احنا
كلنا لازم القرآن يبقى في صدورنا. نحفظه باذن الله سبحانه وتعالى. اسمع بقى الحديس ده. النبي عليه الصلاة والسلام وهو بيقول لك

[00:44:09](#) -

من قام الليل بعشر ايات كتب له قنطار من الجنة. جميل جدا. النبي بيقول لك عشر ايات بس. دي الواقعية يا جماعة. يعني عشان لما
تصحى تلاقي باقي ربع ساعة على الفجر ما تزعلش. يا ابني الحق. ان شاء الله ربنا هيفتح بس - [00:44:29](#)

الحق عشان ما تحبطش لما تلاقي باقي نص ساعة الفجر بس. عشان ما تحبطيش. لما تلحقي لك اربعين دقيقة قبل الفجر بس. فمن
قام الليل ليلة بعشر ايات كتب له قنطار من الاجر. والقنطار خير من الدنيا وما فيها. فيقول ربك - [00:44:49](#)

يوم القيامة اسمع بقى فيقول ربك يوم القيامة اقرأ وارقى بكل اية درجة اقرأ وارقى بكل اية درجة. يعني ايه؟ يعني احنا قلنا قبل
كده ان كل اية هتحفظها بدرجة في الجنة. كل اية هتحفظها بدرجة في الجنة. عارفين الحديس ده معناه ايه يا اخوانا؟ عارفين

الحديس ده بيوجهنا لايه - [00:45:09](#)

كل اية هتقراها في قيام الليل بدرجة في الجنة. يعني صليت قيام الليل بعشر ايات عشر درجات في الجنة صليت قيام الليل بعشرين
اية عشرين درجة في الجنة. انت متخيل ان الاية في قيام الليل بدرجة في الجنة من قام الليل - [00:45:39](#)

بعشر ايات كتب له قنطار من الاجر. والقنطار خير من الدنيا وما فيها. يقول ربك يوم القيامة اقرأوا فرقة بكل اية درجة. اقرأ وارقى
بكل اية درجة. يعني قيام الليل ده. ما هو يا اخوانا يوم القيامة ده عامل زي - [00:45:59](#)

عارفين لما تدخل المطار كده فيه طيارة طالعة امريكا بس لو معك تذكرة امريكا او تأشيرة امريكا وفيه طيارة طالعة تركيا بس لو
معك تشريد تركيا في طيارة طالعة آآ فرنسا لو معك تأجير فرنسا. فيه طيارة طالعة السنغال لو معك تاجيرة سنغال يوم القيامة -

يا جماعة الجنة درجات. وكل درجة فيه نجائب بتوصل لها. يعني زي الطيارات كده. الملائكة هي اللي بتقودها بتوصل لها. انت على حد حسب التأشيرة بتاعتك. تأشيرتك فردوس اعلى ولا تأشيرتك ربض الجنة ولا تأشيرتك وسط الجنة؟ ولا تأشيرتك في ادنى منزلة في الجنة؟ - [00:46:39](#)

انت تأشيرتك ايه؟ تخيل قيام الليل انت بسببه تدخل الفردوس الاعلى. بسببه تجاور الله سبحانه وتعالى في الفردوس الاعلى عايز اقول ايه؟ عايز اقول ان احنا بنتعامل مع عبادة صلاح الدين الايوبي لما كان يعدي على القيام ليلة حطين فيلاقي خيمة الجنود - [00:46:59](#)

الضحى بيصلوا قيام ليل فيقول من هنا يأتي النصر يلاقي خيمة تانية الجنود بتوعها نايمين فيقول من هنا تأتي الهزيمة مش من هنا لا يأتي النصر من هنا تأتي الهزيمة. يعني اللي ما بيقومش الليل ده. سبب من اسباب - [00:47:19](#)

النكسة اللي احنا فيها. شفتم النكسة اللي احنا فيها؟ مشيتوا في الشوارع تعرفوا المصيبة اللي احنا فيها. شفتم لبس الستات دلوقتي عامل ايه شفتم حال الشباب الوقتي عامل ايه؟ شفتم فكر الشباب الوقتي وصل لايه؟ شفتم النكسة اللي احنا فيها كل واحد - [00:47:39](#)

ما بيقومش الليل سبب من اسباب الهزيمة. وكل واحد بيقوم الليل سبب من اسباب عز الاسلام في الارض. وسبب من اسباب النصر سبب من اسباب الفتح يا اخوانا. عشان كده سورة المزمل جت قبل المدرس في ترتيب المصحف. لانك لو قمت الليل بالليل في المزمل هتنزل في - [00:47:59](#)

مدرس بالنهار ربنا يفتح لك. ربنا هيفتح عليك. على قد ما هتقوم الليل على قد ما الله هيفتح عليك. على قد ما ربنا يختارك يا اخوانا كتير قوي مننا نفسه يتربى. ايام ما كنت طالب في الكلية - [00:48:19](#)

كنت اشوف العبادات اللي انا قلبي بيعيش معها. وابدأ احاول اركز فيها. عبادة قيام الليل الواحد ما كانش عارف قيمتها. ليه؟ يعني مش عارف بس مش عارف قيمتها. مش مقدر قيمة العبادة دي. لحد ما الواحد قرأ قول الله سبحانه وتعالى لحد ما الواحد فهم ايات ربنا - [00:48:36](#)

وربنا بيقول لك ان ربك يعلم انك تقوم ادنى من ثلثي الليل. ان ربك المربي بتاعك اللي بيريبيك. ربنا اللي بيريبيك قيام الليل دي تربية لك. ان ربك يعلم يعني كل سجدة في قيام الليل ربنا يعلمها. كل دمعة - [00:48:56](#)

منك في قيام الليل ربنا يعلمها. كل دعوة صعدت الى الله منك. في قيام الليل ربنا يعلمها. يا امة محمد الله اكلمكم. لما ربنا يقول تتجافى جنوبهم عن المضاجع. يدعون ربهم خوفا وطمعا. ومما رزقناهم ينفقون. فلا - [00:49:16](#)

اتعلم نفس ما اخفي لهم من قرّة اعين. انت عايز عشان تتشجع على قيام الليل ايه بعد الاية دي. لما ربنا بيقول لك ولا جبريل ولا ميكائيل ولا الملائكة الاعلى ولا ولا اي ملك في الدنيا يعرف النعيم اللي انا اعديته لك - [00:49:36](#)

في سبق قيام الليل بسبب وقفك بين ايديا في التلت الاخير. يبقى مين اللي يفرط في الوقفة دي بعد كده يا جماعة مين اللي يفرط في العبادة اللي اتفرضت قبل ما الصلاة تتفرض. قبل ما الصوم يتفرض. قبل ما الحج يتفرض. قبل ما الزكاة تتفرض - [00:49:56](#)

مين اللي يفرط في العبادة اللي ربنا بيتنزل لاصحابها بنفسه. ولا ينزل لهم ملك قرب ولا اي احد. ربنا يتنزل بنفسه لاهل هذه العبادة. مين اللي يفرط في هذه العبادة؟ العظيمة الجليلة اللي ربنا - [00:50:14](#)

لما اراد انه يربي نبيه ويربي اصحاب نبيه فرضها عليهم سنة كاملة. ان ربك يعلم انك تقوم ادنى من ثلثي الليل ونصفه وثلثه وطائفة من الذين معك. طائفة ليه؟ لما الناس بتلتزم - [00:50:34](#)

ده بيبقى داعية وده بينام وده بينشط وده بيكسل وده عشان كلمة وطائفة من الذين معك. عشان عشان كلمة طائفة مين اللي هيبزل مجهود عشان يوصل لربنا؟ مين اللي هيبزل مجهود عشان ربنا يرضى عنه بيتغون الى ربهم - [00:50:54](#)

الوسيلة ربنا يجعلنا من اهل قيام الليل يا رب. اللهم امين اللهم امين. الحمد لله وكفى وصلاة وسلاما على عباده الذين اصطفى اللهم

لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك محمد - [00:51:14](#)
صلى الله عليه وسلم في الاولين والآخرين والماً الاعلى الى يوم الدين. اما بعد اخواني واحبابي في الله من الاخر يعني عايزين نقول
عايزين نقول ايه؟ عايزين نقول ان قيام الليل العبادة اللي بتجيب لك كل حاجة في حياتك. في اثر عند سيدنا داود عليه السلام. ان -
[00:51:34](#)

الله قال له يا داوود يا داود وهو يحدثه عن القوامين بالليل. شف ربنا مقام القوامين عنده وهو يكلم داوود عن القوامين بالليل. يا
داوود يا داوود نصبوا لي اقدامهم - [00:51:54](#)
وفرشوا لي وجوههم وناجونى بكلامي. وتملقوا الي في عامي فهم بين صارخ وباكي. وبين متأوه وشاكي. اتعلم اعلم يا داوود اسمع
بقى اتعلم يا داوود اني اعطيهم ثلاثة اني اعطيهم ثلاثة - [00:52:14](#)
شوفي ربنا بيدي ايه؟ لاهل قيام الليل. شوفوا ربنا بيعمل ايه؟ لاهل قيام الليل. اتعلم يا داود اني اعطيهم ثلاثة. الاولى لو ان السماوات
السبع والاراضين السبع كانوا في موازينهم يوم القيامة. لاستقلتها عليهم. والثانية اني - [00:52:44](#)
قذفوا في وجوههم وقلوبهم من نور. فتستنير وجوههم وقلوبهم. والثالثة اني اقبل عليهم بوجهي ارايت يا داوود من اقبلت عليه
بوجهي ماذا اريد ان اعطيه؟ ملاحظين حاجة في التلات حاجات دول يا جماعة؟ التلات حاجات دول ضربوا كل حاجة في الحياة. قال
[00:53:14](#) -

اولى لو ان السماوات السبع والاراضين السبع كانت في موازينهم يوم القيامة لاستقلتها عليهم. يعني قيام الليل بيحل كل كل مشاكل
الاخرة والثانية اقذف من نوري في قلوبهم ووجوههم. يعني قلبك اتملى بالايمان واليقين - [00:53:44](#)
الثانية بتحل كل مشاكل الدين. الثالثة اني اقبل عليهم بوجهي. ارايت يا داوود من اقبلت عليه بوجهي ماذا اريد ان اعطي يعني
الثالثة بتحل كل مشاكل الدنيا. يعني تلات حاجات. الاولى بتحل مشاكل - [00:54:04](#)
لاخرتك والثانية بتحل مشاكل دينك. والثالثة بتحل مشاكل دنيتك. يبقى انت عايز ايه بعد كده؟ ايه اللي بعد كده قيام الليل ما
بيعملوش على فكرة يا اخواني في الله الاخ اللي ما بيقومش الليل ده اخ مخوخ - [00:54:24](#)
فين المخوخ اخ فاضي من جوة. اخ فاضي حاوي. الاخ لما بيقومش الليل عامل زي الخشبة اللي من برة كويسة ومن جوة مسوسة.
والاخ اللي بيقوم الليل ده اللي هيبقى عامل زي العمود - [00:54:44](#)
خرسانة اللي قدامكم داهو. اللي شايل المسجد داهو كله. ساعات تلاقي عمارة هي عشر عواميد. ولا قايمة على العشر عواميد والعمارة
ساكن فيها خمسميت بني ادم. انت من الخمسمية اللي ساكنين في بناء الدين ولا من العواميد اللي شايلة الدين - [00:55:04](#)
يبقى قيام الليل بيخرج العواميد الخرسانة اللي هتشيل الدين. قيام الليل بيخرج الاخوة الخرسانة المسلحة اللي هتشيل اللي هيبقوا
رجالة. انما الاخ اللي ما بيقومش الليل ده مخوخ. ده لما هتيجي تحمل عليه دين هيقوم واقف. يا اخواننا انت - [00:55:24](#)
قلبك عامل زي المراية. زي المراية. لما بتيجي تحط القرآن قدام المراية بالنهار. انت في الف حاجة قدام قلبك بالنهار تشوشها على
الصورة. فوانت بتقرا القرآن بالنار حلو. ولكن فيه الف حاجة داخله على المراية بتاعة قلبك مع القرآن. انما بالليل - [00:55:44](#)
المراية فاضية خالص. فالقرآن لما بيتعرض على المراية كله بيتبع عليها. ليه؟ لان ما فيش اي تشويش عليها. ما فيش يا اخوانا. يا
جماعة النبي عليه الصلاة والسلام لما قال حديث سبعة يظلمهم الله بظله. يوم لا ظل الا ظله. قال لك امام عادل. اשמعنى يا رسول الله؟
كل الناس واقفة مهربية في شمس - [00:56:04](#)

القيامة ودول واقفين في المقصورة الملكية في ظل عرش الله. لان كل الائمة كانوا فاسدين. فلما ييجي امام عادل ربنا يوقفه في
مكان وكل للائمة في مكان. شاب نشأ في عبادة الله. الشباب الشهوات بيجروا عليها. فلما يطلع شاب نشأ في عبادة الله ربنا يخليه في
[00:56:30](#) -

ودول في مكان. طب بالليل يا جماعة كل الناس نايمين. لما واحد يقوم بين ايدين ربنا بالليل. تخيلوا كده ممكن يكون متجوز وبيحب
بمراته هيسببها عشان ربنا. ممكن يكون طالب ووراه مسئوليات ولكن هيقتطع ساعة عشان ربنا. ممكن - [00:56:50](#)

كون واحد وله صحاب. ولكن هيسيب اصحابه عشان ربنا. مين فينا يا اخوانا يقبل هذه الصفقة الهائلة؟ يقبل الصفقة اللي النبي عليه الصلاة والسلام. كان بيخرج في التلت الاخير يصرخ في اهل المدينة المنورة. جاء الموت بما فيه عشان يقوموا - [00:57:10](#)

الليل النبي كان بيصحي ومات المؤمنين. كان بيصحي علي وفاطمة. كان بيطوف على بيوت الصحابة في قيام الليل تابعهم في قيام الليل. مين فينا يدرك خطورة العبادة اللي عباد ابن بشر وهو بيعبد ربنا بها. اتضرب بالسهم وما رضاش انه يسبها. يعني قيام الليل بالنسبة لهم كان - [00:57:30](#)

مسألة حياة او موت وداعا شهر رجب خلاص يا جماعة يعني شهر من الاشهر الحرم عدى وما عدش فيه غير ايام الحرم الحسنات بتضاعف فيها غير اي حسنات في يوم ثاني. السيئات بتضاعف فيها. غير اي سيئات في يوم ثاني. راح رجب يا جماعة وداخلين - [00:57:50](#)

على شعبان والجمعة الجاية بازن الله سبحانه وتعالى هيبقى الدرس بتاعنا وقفه مع شعبان. لان شعبان اخطر من رمضان. واحد هيقول لي نعم! يا حبيبي رمضان اعظم سواها. انما شعبان اخطر. ليه؟ يا حبيبي شعبان ده رفع الاعمال - [00:58:10](#)

رمضان اللي فات هيترفع في شعبان داهو. ليلة القدر اللي فاتت لو انت كنت فزت بها تترفع في شعبان داهو كل صلاة صليتها هتترفع في شعبان. كل نظرة حرام نزلتها تترفع في شعبان. يعني القضية خطيرة جدا. كل غيبة اغتبتها - [00:58:30](#)

او وقعت فيها هتترفع في شعبان. يعني المرة الجاية ان شاء الله بازن الله الوقفة مع شعبان وشعبان هيعدي برضو يا جماعة للي ربنا كتب له حياة وهيجي رمضان وهيعدي المواسم بتعدي الليل بتاع رمضان هيبقى سبع ساعات بس او سبع ساعات ونص. القضية خطيرة جدا. والمنافسة - [00:58:50](#)

السنة دي صعبة جدا وعالية جدا. انتم عارفين يعني لما بيبقى الليل اتناشر تلاتاشر ساعة في الشتاء بيبقى الدنيا واسعة انما الوقت فعلا اللي هيصمد في القيام والتهجد في رمضان. هم الابطال يا ترى انت هتتدرب على قيام الليل من الوقت ولا لأ؟ يا ترى - [00:59:10](#)

من الابطال دول ولا لأ؟ آآ يعني اخوانكم عاملين في الخطة الخمسية اللي احنا بدأناها من يوم من اول رجب المرحلة الثالثة النهاردة بازن الله سبحانه وتعالى الورقة اللي متوزعة عليكم دي المرحلة الثالثة هتلاحزوا طبعا ان آآ ركعتي الضحى وازكار الصباح والمساء - [00:59:30](#)

فزادوا ما كانوا في المرة اللي فاتت. هتلاحزوا ان السنن متركز عليها هنا هتلاحزوا ان ورد اليومي بقى ثلاث اربع اربع حزب من القرآن عشان نعرف بقى يا جماعة اللي ما بدأش معنا من الاول يندم بقى. لما كان في الاول ربع قرآن والفرائض من غير - [00:59:50](#)

نوافل وما فيش ركعتين ضحى. وبعض الاخوة كده بص للجدول وقال ده جدول بسيط جدا. انت لو بدأت من الاول هتنتقل احنا لسة في المرحلة الثالثة ده لسة الرابعة ولسه الخامسة. بازن الله سبحانه وتعالى لو بدأت من الاول بداية تدريكية شف هتنتقل بعد كده ايه وهنلاقي الصيام بقى - [01:00:10](#)

يوم ويوم. الصيام بقى يوم ويوم يا اخواني في الله. يعني الموضوع دخل في حيز الخطورة الشديدة لان شعبان جاي. عارف يعني ايه شعبان جاي؟ يعني شهر رفع الاعمال جاي. يعني الجدول اشتد اهو جدا وهتلاقي قيام الليل بقى قيام نص - [01:00:30](#)

نصف ساعة زائد صلاة الوتر. طبعا احنا قلنا ان ده على الاقل احنا عايزين بازن الله سبحانه وتعالى يعني في قيام الليل نبدأ نشوف توصيات عملية اعمل ايه عشان اقوم الليل؟ اعمل ايه؟ ما هو انا باجي ازبط عشر منبهات ها منبه الساعة تلاتة ومنبه تلاتة - [01:00:50](#)

وخمسة ومنبه طيب موبايلات دلوقتي بقى ممكن تزبط على عشرين منبه. وفي الاخر اصحى الاقي الظهر ادن مش هلاقي الفجر ادن. اعمل ايه؟ ها؟ ثاني يوم ازبط منبه واقول والله لانا صاحي. اقوم من النوم ادخل الحمام اصحى الاقي راسي في الحوض. الاقي الفجر عدى علي وقيام الليل عدى علي. تالت - [01:01:10](#)

يوم اصحى الاقي نفسي مش عارف ايه. رابع يوم اعمل ايه عشان اقوم الليل؟ اول حاجة يا اخوانا عايز ربنا يقومك بالليل ما

تعصيش ربنا بالنهار. ما تعصيش ربنا بالنهار عشان يقومك بالليل. ثاني حاجة لازم العشاء المحمول بتاعك يتقفل يا ابني - [01:01:30](#)
يعني ده المحمول بتاعي اهو العشا اتدنت اهو اقوم عامل كده اهو بس الف سلامة كل سنة وانت طيبين محمود اتقفل. اللي بيحصل
يحصل بقى لقاءك بالخالق اهم مليار مرة من لقاءك باي مخلوق - [01:01:50](#)

ما فيش مخلوق هيجل لك كل مشاكل حياتك لما تلقاه. وتناجيه. انما الخالق يجل لك كل مشاكل حياتك. تالت حاجة اعمل حاجة حزام
اماني يعني ايه حزام امان؟ صل لك نص ساعة بعد العشاء. ليه؟ عشان لو راح عليك القيام يبقى انت برضو اسمك صليت. ابدأ -

[01:02:14](#)

الليل بصلاة. صل لك نص ساعة على العشاء. رابع حاجة. طب انت صحيت ولقيت ما فيش غير ربع ساعة على الفجر. او نص ساعة
الفجر. الحمد لله. ده احنا قلنا - [01:02:34](#)

التلت الاخير بالسانية. يا اخوانا السانية تفرق معك في قيام الليل. جميل جدا. قم اتوضى في سانية واقف على سجادة الصلاة. وقل
الله اكبر واقرا الفاتحة وسورة قاصرة وارفع ايدك واستغيس بالله. انت في اكرت وقت بتجيب فيه الدعاء - [01:02:44](#)
ده انت في وقت السحر الاعلى لو ما لحقتش غير ربع ساعة انت لحقت غنيمة. لو ما لحقتش غير خمس دقائق انت لحقت غنيمة بس
تبقى نيتك انك انت الوضع ده ما يستمرش لازم تزود في قيام الليل. ولازم قيام الليل قبل ما رمضان يدخل يبقى على الاقل بقى
ساعة ساعة ونص يا جماعة بازن الله وحده. بازن - [01:03:04](#)

الله وحده. لازم قبل ما رمضان يدخل يبقى قيام التلت الاخير بقى على الاقل ساعة ساعة ونص. مش عايز اقول كمان ساعتين واكرت
ليه؟ عشان تعرف انك تتهجد في رمضان بازن الله. يعني احنا مشروعنا السنة دي في رمضان ان شاء الله ان احنا نصلي من العشاء
للفجر. ما هو ما فيش وقت بقى. اللي عايز ينام يبقى يريح له - [01:03:24](#)

وفي المسجد احنا دلوقتي بندور على مسجد لرمضان بازن الله. نعيش فيه رمضان مع بعض. نعبد ربنا فيه في رمضان مع بعض بازن
الله بندور على مسجد نصلي فيه من العشاء للفجر بازن الله. اللي عايز يريح يميل له ساعة كده وخلص. والسحور في ثلاث دقائق
قبل قبل - [01:03:44](#)

الفجر وخلص. والليل كله صلاة بين يدي الله. والنهار عبادة نعمل بيئة ايمان تعبدية في رمضان باذن الله سبحانه وتعالى لو احنا
نستاهل الفتح ده ربنا هيفتح علينا به. عشان كده اخواني واحبابي في الله يعني ما تنسوش هذه - [01:04:04](#)
تحذير العملية بتاعة قيام الليل اقلل محمولك العشاء ما تقفل محمولك ياه الله! مش العشاء ادمت ما تطبق يا ابني اهو واحد اهو
صاحب محمول واقفله اهو. اه بس انت لسة بتسجل. اقلل - [01:04:24](#)

محمولك ياه. اقللي محمولك يا بنتي يا رب اللي تقفل محمولة العشاء عشان قيام الليل ربنا يجوزها. ولو متجوزة ربنا يهدي لها
جوزها. وربنا عيالها. هنعمل ايه بس بتعمل ايه؟ لو قيام الليل راح منك ما تحبطش يا حبيبي. احنا مش قاعدين نتكلم عن السخونية
في العبادات عشان يجي لك احباط. قيام الليل راح منك افضيه بالنهار - [01:04:41](#)

موضوع بسيط يا جماعة ولكن يبقى فيه نية صادقة في الوصول الى الله. ربنا يسدكم يا رب باقي الورقة اللي معكم. خلق المرحلة
بر الجار. اعمل اي حاجة لجيرانك يا عم اتصالات. هات ورقة زي بتاعة صل على الحبيب وعلقها في دخلة البيت. آآ اعزمهم اي اعمل
اي منزر يعني. هات آآ - [01:05:05](#)

شوية بتوع اعمل اي منزر تفرح به جيرانك. تبر به جيرانك ومعصية تتطهر منها ترك سماع الاغاني المحرمة للذم ومبتلى اللي هيبدا
معنا النهاردة لسة اول يوم. يبدأ الجدول من من هذه المرحلة بازن الله سبحانه وتعالى. ونبدأ نكافح ونعلى مع بعض - [01:05:25](#)
نسأل الله سبحانه وتعالى ان يجعلنا من الصوامين القوامين. رب اجعلنا لك قوامين. رب اجعلنا لك قوامين. اللهم يسر لنا قيام الليل يا

رب العالمين. اللهم شرفنا بقيام الليل بين يديك يا رؤوف يا رحيم. اللهم اكرمنا بقيام التلت الاخير من الليل. يا رب - [01:05:45](#)
العالمين يا بري يا تواب. يا قريب يا مجيب. يا احد يا صمد. يا رحمن يا رحيم. يا حي يا قيوم يا ذا الجلال والاکرام. اللهم شرفنا بقيام
التلت الاخير من الليل يا رب العالمين. اللهم افتح علينا في قيام التلت الاخير من الليل يا رب - [01:06:05](#)

رب العالمين. اللهم اكرمنا ولا تهنا. واعطنا ولا تحرمنا. وزدنا ولا تنقصنا. واثرنا ولا تؤثر علينا. واهدنا ويسر الهدى الينا. اللهم ارضنا وارض عنا. اللهم الف بين قلوبنا على طاعتك وابتغاء مرضاتك يا رب العالمين. اللهم بلغنا رمضان - [01:06:25](#)

واجعلنا فيه من الفائزين. اللهم بلغنا ليلة القدر واجعلنا فيها من الفائزين اللهم افتح علينا في شعبان في الصيام والقيام يا رب العالمين. اللهم افتح علينا في شعبان في الصيام والقيام يا رب العالمين - [01:06:45](#)

اللهم ان كتبت لنا حياة فافتح علينا في شعبان في الصيام والقيام يا رب العالمين. يا حي يا قيوم برحمتك نستغيث اصلح لنا شأننا كله ولا تكلنا الى انفسنا طرفة عين. سبحانك اللهم وبحمدك اشهد ان لا اله الا انت استغفرك واتوب اليك - [01:07:03](#)

[01:07:23](#)